

V

(Fógairtí)

NÓSANNA IMEACHTA A BHAINNEANN LEIS AN mBEARTAS IOMAÍOCHTA A
CHUR CHUN FEIDHME

AN COIMISIÚN EORPACH

Réamhfhógra faoi chomhchruinniú

(Cás M.10658 — NORSK HYDRO / ALUMETAL)

(Téacs atá ábhartha maidir le LEE)

(2022/C 346/03)

1. An 1 Meán Fómhair 2022 fuair an Coimisiún fógra maidir le comhchruinniú atá beartaithe de bhun Airteagal 4 de Rialachán (CE) Uimh. 139/2004 ón gComhairle ⁽¹⁾.

Baineann an fógra seo leis na gnóthais seo a leanas:

- Norsk Hydro ASA (“Hydro”, an Iorua),
- Alumetal S.A. (“Alumetal”, an Pholainn).

Gheobhaidh Hydro rialú aonair, de réir bhrí Airteagal 3(1)(b) den Rialachán um Chumaisc, ar Alumetal ina iomláine.

Baintear an comhchruinniú amach trí bhíthin tairiscint phoiblí.

Tugadh fógra maidir leis an gcomhchruinniú céanna don Choimisiún cheana an 13 Bealtaine 2022, ach tarraingíodh an fógra siar ina dhiaidh sin an 7 Meitheamh 2022.

2. Is iad seo a leanas gníomhaíochtaí gnó na ngnóthas lena mbaineann:

- Is cuideachta alúmanaim lán-chomhtháite é Hydro, agus tá gníomhaíochtaí aige ó thús deireadh shlabhra luacha an alúmanaim, ó ghiniúint báicsíte, alúmana agus fuinnimh go dtí táirgeadh alúmanaim príomhúil agus táirgí easbhrúite alúmanaim, maille le hathchúrsáil alúmanaim. Go háirithe, táirgeann Hydro cóimhiotal teilgchearta bunaithe ar alúmanam príomhúil den chuid is mó.
- Go príomha, is táirgeoir cóimhiotal teilgchearta alúmanaim a tháirgtear ó alúmanam tánaisteach den chuid is mó é Alumetal. Táirgeann Alumetal príomh-chóimhiotail chomh maith, príomh-chóimhiotail a úsáideann sé féin agus a dhíolann sé le custaiméirí tríú páirtí freisin.

3. Tar éis réamhscrúdú a dhéanamh, is é cinneadh an Choimisiúin go bhféadfadh an t-idirbheart ar tugadh fógra ina leith a bheith faoi raon feidhme an Rialacháin um Chumaisc. Ach forchoimeádtar an cinneadh críochnaitheach maidir leis sin.

4. Iarrann an Coimisiún ar thrú páirtithe leasmhara aon bharúlacha a bheadh acu maidir leis an oibríocht atá beartaithe a chur faoi bhráid an Choimisiúin.

Ní mór na barúlacha a bheith faighte ag an gCoimisiún tráth nach déanaí ná 10 lá tar éis dháta foilsithe an fhoilseacháin seo. Ba cheart an tagairt seo a leanas a lua i gcónaí:

M.10658 — NORSK HYDRO / ALUMETAL

⁽¹⁾ IO L 24, 29.1.2004, lch. 1 (an “Rialachán um Chumaisc”).

Is féidir barúlacha a sheoladh chuig an gCoimisiún le ríomhphost, le facs nó tríd an bpost. Baintear úsáid as na sonraí teagmhála:

R-phost: COMP-MERGER-REGISTRY@ec.europa.eu

Facs +32 22964301

Seoladh poist:

European Commission
Directorate-General for Competition
Merger Registry
1049 Bruxelles/Brussel
BELGIQUE/BELGIË
